

Go Phela ka Tsela Yeo e Thabišago Modimo (Karolo 3)

E theilwe go kgaolo 12 ya puku ya *Ke Eng Seo ge e le Gabotse Beibele e se Rutago?* yeo e lego jw.org/nso.

MORERO ke gore o ithute ka seo o se dumelago le lebaka leo o se dumelago, hlahloba seo Beibele e se rutago, ke moka o bone kamoo o ka hlalosešago ba bangwe ka ditumelo tša gago.



NA GO LEKA GO KGAHLIŠA MODIMO GO NA LE MOHOLA?

1 HLAHLOBA DITUMELO TŠA GAGO

Ke ka baka la'ng batho ba bangwe ba ka re ga go na mohola?

Ke ka baka la'ng ba bangwe ba ka re go na le mohola?

Ke'ng seo o se dumelago?

Ke ka baka la'ng o se dumela?

Seo Jehofa a nyakago re se dira se na le mohola e bile se a kwagala.

(Bala kgaolo 12 ya puku ya *Seo Beibele e se Rutago*, dirapa 17-19.)

Bala Jesaya 48:17, 18.

Dilo tšeo Jehofa a nyakago re di dira di re hola ka ditsela dife?

Bala Doiteronomio 30:11-14 le Psalme 103:14.

Ditemana tše di bontšha bjang gore Jehofa ga a ke a re kgopela go dira dilo tšeo re ka se kgonego go di dira?



Go swana le go hlobola diaparo tša ditšhila gomme ra apara tše di hlwekilego, re swanetše go hlobola semelo sa kgale gomme re apare se sefsa

Re swanetše go leka go dira sohle seo re ka se kgonago go phela ka tsela yeo e thabišago Modimo.

(Bala kgaolo 12 ya puku ya *Seo Beibele e se Rutago*, dirapa 20-22.)

Bala Baroma 12:9.

Ke ka baka la'ng go se gwa lekana go no phema dilo tšeo Modimo a di hloilego?

Bala Bakolose 3:9, 10.

Go tlaleletša go hloboleng “semelo sa kgale,” ke'ng se sengwe seo re swanetšego go se dira gore re thabiše Modimo?

O hotšwe bjang ke go apara “semelo se sefsa”?



HLALOSA DITUMELO TŠA GAGO

GE YO MONGWE A RE . . .

Ga go kgonege gore motho a fetoše semelo sa gagwe.

O KA ARABA KA GORE . . .

Mohlomongwe batho ba bantši ba ka dumelelana le taba yeo. Eupša nna ga ke dumele gore go bjalo ka gobane . . .

Ke lengwalo lefe leo o ka le balelago motho yo?

O ka hlalosa lengwalo le bjang ka tsela yeo e tlogo go thuša go phošolla pono ya motho yo?

GE YO MONGWE A RE . . .

Melao ya Modimo e thata kudu.

O KA ARABA KA GORE . . .

Ke therešo gore Modimo o re neile melao gore e re hlahle. Eupša nna ke dumela gore ge e le gabotse melao ye e diretšwe go re hola ka gobane . . .

Ke lengwalo lefe leo o ka le balelago motho yo?

O ka hlalosa lengwalo le bjang ka tsela yeo e tlogo go thuša go phošolla pono ya motho yo?